

名醫類案

七卷

身症

鼻症

鬚髮不白

口症

瘡症

喉吞金鎖

眉症

目症

舌症

皮膚皴裂

喉吞水蛭蜈蚣

眉髮自落

咽喉

牙症

骨哽

蛇蟲獸咬

名醫類案卷第七

新都篁南江瓘集

後學

仁和 錢塘魏之琇王橫
仁和 鮑廷博以文

重校

諸蟲

太倉公治一女病甚衆醫皆以爲寒熱篤當死不治公診其
脉曰。蟻瘕。蟻瘕爲病腹大上膚黃麤循之戚戚然公飲以
芫華一撮卽出蟻可數升許。三十日如故病蟻得之於
寒濕寒濕氣宛篤不發化爲蟲公所以知其病者切其脉
循其尺索刺麤而毛美奉髮是蟲氣也其色澤者中藏無

邪氣及重病

史記博按此案已見第五卷癥瘕症

華佗治一人忽患胸中煩悶面赤不食診之曰君胃中有蟲欲成內疽腥物所爲也卽作湯二升再服須臾吐出蟲三升許頭赤而動半身猶是生魚膾所苦遂愈

唐張鷟朝野僉載云洛州有士人患應聲語卽喉中應之以問良醫張文仲張經夜思之乃得一法卽取本草令讀之皆應至其所畏者卽無聲仲乃卽取藥合和爲丸服之應時而止

永州通判廳軍員毛景得奇疾每語喉中必有物作聲相應有道人教令誦本草藥名至藍而默然遂取藍捩汁飲之

少頃吐出肉塊長二十餘人形悉具。劉襄子患爲永倅景
正被疾踰年。親見其愈。洎宅編

許叔精微於醫。云五臟蟲皆上行。唯有肺蟲下行。最難治。當
用獺水爲末調藥。初四初六日治之。此二日肺蟲上行。

金州防禦使崔堯封有甥李言吉。左目上臉忽生一小瘡。漸
大如鴨卵。其根如弦。恒偃其目。不能開。堯封飲之令大醉。
遂與割去。瘡既破。中有黃雀飛鳴而去。聞奇錄。

一婦人忽生蟲。一對於地。能行長寸餘。自後月生一對。醫以
苦參加打蟲藥爲丸服之。又生一對。埋於土中。過數月發
而視之。暴大如拳。名子母蟲。從此絕根。

青陽夏戚宗陽家素業醫任江陰訓導。有生員之父患腹脹求其診視。乃曰脉洪而大。濕熱生蟲之象。況飲食如常。非水腫蟲脹之證。以石榴皮、椿樹東行根、加檳榔三味各五錢。長流水煎。空心頓服之。少頃服作大痛。瀉下長蟲一丈許。遂愈。客座新聞

吳菱山治一婦。產後惡露欠通。寒熱時作。小腹結成一塊。形大如杯。抽刺疼痛。用聚寶丹、蟠葱等藥。俱不效。一日吳診其脉洪而緊。以虎珀膏貼患處。二日後其塊漸軟。其痛如常。倏然陰戶中覺如蟲行動狀。少頃作淩出蟲三條。形長寸許。身紅頭紫。有嘴。出此之後。其痛漸緩。過後二次。仍出

四條蟲狀如前痛止身安諸患皆愈因意病者未產之前尿胞必有溼熱生蟲之患偶因產後去血沉服諸香燥熱之劑及貼琥珀膏亦是追蟲之物蟲不能容所以因而出也。

陸顒吳郡人自幼嗜麪食食愈多而質愈瘦胡人以藥吐一蟲長二寸許色青狀如蛙此名消麪蟲實天下之奇寶也其說甚異不具述說淵

虞花溪治一婦人患屍蟲用花椒二分苦練根一分丸服其蟲盡從大便泄出

一人患腦痛爲蟲所食或教以桃葉枕一夕蟲自鼻出形如

鷹嘴莫能識其名。遯齋閒覽

一人在姻家過飲醉甚送宿花軒夜半酒渴欲水不得遂口
吸石槽中水碗許天明視之槽中俱是小紅蟲心陡然而
驚鬱鬱不散心中如有蛆物胃脘便覺閉塞日想月疑漸
成痿隔遍醫不愈吳球往視之知其病生於疑也用結線
紅色者分開翦斷如蛆狀用巴豆二粒向飯搗爛入紅線
九十數丸令病人暗室內服之置宿盆內放水須臾欲瀉
令病人坐盆瀉出前物蕩漾如蛆然後開窗令親視之其
病從此解調理半月而愈

從政郎陳樸富沙人母高氏年六十餘得飢疾每作時如蟲

脯音甫乾肉也脩亦乾肉也註牛脩鹿脯

齧心卽急索食。食罷乃解。如是三四年。畜一猫。極愛之。常置於傍。一日命取鹿脯。自嚼而啖。猫至於再覺一物上觸喉間。引手探得之。如拇指大。墜於地。頭尖匾。類塌沙魚身。如蝦殼長八寸。漸大。俾兩指。其中盈實。剖之。腸肚亦與魚同。有八子。胎生。蠕蠕若小鰕。人莫識其爲何物。蓋聞脯香而出。高氏疾卽愈。

類編

趙子山寓居邵武軍天王寺。苦寸白蟲爲撓。醫者戒云。是疾當止酒。而以素所耽嗜欲罷。不能一夕醉於外舍。歸已夜半。口乾咽燥。倉卒無湯飲。適廊廡間有甕水。月映瑩然。可掬。卽酌而飲之。其甘如飴。連飲數酌。乃就寢。迨曉。蟲出盈

席覺心腹頓寬宿疾遂愈驗其所由蓋寺僕日織草屨浸

紅藤根水也庚志

蔡定夫戡之子康積苦寸白爲孽醫者使之碾檳榔細末取

石榴東引根煎湯調服之先炙肥猪肉一大臠寘口中嚙

咀其津膏而勿食云此蟲惟月三日以前其頭向上可用

藥攻打餘日卽頭同下縱藥之無益肺蟲初四月初六日
上行寸白蟲惟初三

日上蟲聞肉香咂啖之意故空羣爭赴之覺胸中如萬箭

攻攢是其候也然後飲前藥蔡如其戒不兩刻腹中雷鳴

急奔廁蟲下如傾命僕以杖撥之皆聯屬成串幾長數丈

尚蠕蠕能動舉而棄之溪流宿患頓愈故廣其傳以濟人

云。庚志

一人因灼艾訖。火痂便落。瘡內鮮血片片如蝴蝶樣。騰空飛去。痛不可忍。此是血肉俱熱。用大黃、芒硝等分爲末。水調下。微利卽愈。

一人有蟲如蟬。走於皮下。作聲如兒啼。爲筋肉之化。用雷丸、雄黃等分爲末。糝豬肉上炙。肉食之卽愈。

一人臨臥忽渾身虱出。約五升。血肉俱壞。而舌尖血出不止。用鹽醋湯飲下。數次卽愈。

一人大腸內蟲出。不斷斷之復生。行坐不得。鶴虱未調服五錢自愈。

一名醫類案卷七
一人腹中如鐵石。臍中水出。旋變作蟲行之狀。遠身作疼痛。不可忍。扒掃不盡。濃煎蒼朮浴之。又以蒼朮麝香水調服之。

楊勔中年得奇疾。每發言腹中有小聲。效之數年間。其聲浸大。有道士見而驚曰。此應聲蟲也。久不治。延及妻子。宜讀本草。遇蟲不應者。當取服之。勔如言。讀至雷九蟲。忽無聲。乃頓服數粒。遂愈。正敏後至長沙。遇一丐者。亦有是疾。環而觀之者甚衆。因教使服雷九。丐者謝曰。某貧無他技。所以求衣食於人者。唯藉此耳。

一人頭皮內。時有蛆行。以刀切破。用絲瓜葉擠汁搽之。蛆出。

盡絕根。

汪石山治一婦每臨經時腰腹脹痛玉戶淫淫蟲出如鼠粘子狀綠色者數十枚後經水隨至其夫問故汪曰厥陰風木生蟲婦人血海屬於厥陰此必風木自甚兼脾胃溼熱而然也正如春夏之交木甚溼熱之時而生諸蟲是也宜清厥陰溼熱卽令以酒煮黃連爲君白朮香附爲臣研末粥丸空腹吞之月餘經至無蟲且姪矣

休寧西山金舉人嘗語人曰予嘗病小腹甚痛百藥不應一

醫爲灸關元十餘壯

小腹痛百藥不效宜灸

次日莖中淫淫而痒視

之如蟲出四五分急用鐵鉗扯出蟲長五六寸連日蟲出

如此者七痛不復作。初甚驚恐。後則視以爲常。皆用手扯。此亦偶見也。仲景云。火力雖微。內攻有力。蟲爲火力所逼。勢不能容。故從溺孔出也。其人善飲。御內。膀胱不無溼熱。遇有畱血。瘀濁。則附形蒸鬱。爲蟲矣。經云。溼熱生蟲。有是理也。故癆蟲寸白蟲。皆由內溼熱蒸鬱而生。非自外至者也。正如春夏之交。溼熱蒸鬱。而諸蟲生焉。是矣。此亦奇病。因記之。

無錫一人。遍身膚肉。有紅蟲。如線。長二三寸。時或遊動。瞭瞭可見。痒不可勝。醫莫能治。一日偶思食水蛙。蛙至。蟲遂不見。乃市蛙爲脯。旦晚食之。月餘。其蟲自消。

五湖漫聞

鹽哮方

哮

江少微治小兒鹽哮聲如曳鋸以江西淡豆豉一兩白砒一

錢研細拌入精豬肉四兩內以泥固濟炭火煨出青烟為

度研細和淡豉搗勻為丸如黍米大每服二三十丸滾白

水送下此方甚佳即紫金平忌大薑鹽醬一月而愈

一貴公子患鹽哮年方九齡每以風寒即發投以噲丸藥餅

夜臥醒放舌上任其自化下隨效方用苦葶藶五錢隔紙炒

茯苓五錢花粉麻黃杏仁款花藟桑白皮蜜貝母去心各三

錢五味子二錢罌粟殼蜜炙一錢五分右為細末烏梅肉三

錢棗肉三錢煮爛如泥搗和前末爲餅每重一分半服未
半夏永不復發須忌大葷一兩月

一小兒鹽哮喘嗽用海螵蛸刮屑研細末以白糖蘸喫愈

一富兒厚味發哮喘以蘿蔔子淘淨蒸熟曬乾爲末薑汁蒸

餅爲丸卽清金丹每服三十九津嚥下

遍身痛

周離亨治一人遍身疼每作殆不可忍都下醫或云中風或
云中溼或云脚氣治俱不效周曰此血氣凝滯也沉思良
久爲製一散服之甚驗方以延胡索當歸桂等分依常法

治之爲末。疾作時。溫酒調下三四錢。隨人酒量頻進之。以止爲度。蓋延胡索活血化氣第一品也。其後趙待制靈導引失節。肢體拘攣。數服而愈。山宅編

江應宿治休寧程君膏長子十八歲。遍身疼痛。腳膝腫大。體熱面赤。此風溼相搏也。與當歸拈痛湯二三服。熱退可愈。

身痒

意菴治一人。因田間收稻。忽然遍身痒。入骨髓。用食鹽九錢。泡湯三碗。每進一碗。探而吐之。如是者三。而痒釋矣。

一小兒遍身作痒。以生薑搗爛。以布包擦之而止。

名醫類案卷一
倪仲賢治吳陵盛架閣內子左右肩背上下患痒至兩臂頭面皆然屢以艾灼痒處暫止且後作如是數年老人切其脉曰左關浮盛右口沉實此酒食滋味所致也投以清熱化食行滯之劑其痒遂止

江汝潔治一婦人患上身至頭面俱痒刺痛起塊衆醫皆謂大風等症江診得左手三部俱細右手三部皆微實大都六脉俱數經曰微者爲虛弱者爲虛細者氣血俱虛蓋心主血肝藏血乃血虛無疑腎藏精屬水其部見微乃爲水不足水既不足相火妄行無制以致此疾經曰諸痛瘡痒皆屬心火右手寸脉實實者陽也脉經曰諸陽爲熱乃熱